

# АССАЛАМ

assalam.ru

НА ДАРГИНСКОМ ЯЗЫКЕ

РУХЛА ВА БАГЪУДИ ТИНТБИРНИЛА ШАЙЧИБСИ ГАЗЕТА

№ 2 (115) февраль 2009 г. / БАЗЛИ ГЪАЧАМ ДАРГАН МЕЗЛИЧИЛ ДУРАБУЛХЪУСИ / сафар 1430 г. Багъа 15 къуруш.

## РЕДАКТОРЛА КОЛОНКА

Къ ардухъунси адам билхлализив вагъариубсигъуна сай. Илини дарибти бунагъуна декидешли, къашмази бигъунси халаси къаркъаливан, ил уди-вахл витиклули сай, амма ил къулайвиэс, гъяхси ветаэс, берцуди баргес умцули сай. ...

Биргъакибули чула аги буунти хунул адамтасра гур саби къулайвиэс ва ахъбиэс хедирехе или гъанбиркули бургар. Амма ил замана саби илдас умубиэс, барсбиэс беглар гъяхси Чули гъамрулизир чедаибти тгъамагати секлай илдазис гъамрулич гъира булан бетахъахили саби. Чуни дарибтаци илди пашманбиубли саби, амма селра барсбарес бирули ахлен. Дурхъаси чинила сукура яра цархил секла бачи гъерги, ил гъайгъай, сагахлебирар...

Баргъси гъуйчи кайзес бажардикибси адамра вархъаначи бархъси гъуйчи кайзурси ахлен, илра хатлаиркули калунси сай. Сунезирад кадикибти бунагъуначи пашманирули калунсири. Амма илдигъунти адамти чузирти цъабти секлайчибад шаласи ибси чедибикахъес бажардикибтири. Адамла рухлизиб бетурхуси саби ил чебхъиси дяви. Адам умувирахъуси пашманиънили, сунезирад кадикибти бунагъуни тавбадирнили сай. Къудратла Веџли тавбадарахъес адамтас мекелли халаси имкан гили сай.

Мухаммад идбаг <sup>ﷺ</sup> виклусири «Сунезибад какибси бунагъ тавбабарисби адам бунагъ хебарисигъуна сай». Марлирагу, илди дугъбани Къудратла Веџ Аллагъ дебали ряхлмучевси виъни марбирули сари. Нуша аклахъубси Ряхлман Аллагъ нушачи, сунела лугърачи, ряхлмучевси виънилис бикъридеш дирули сари нушала Мухаммад идбагли <sup>ﷺ</sup> дурибти гъайли.

Къудратла Веџ Аллагъли нашаб тавбадарахъес гъуни мурталра гъаргли батурли сай. Веџлизирад кадикибти бунагъуначи пашманиубси ва урки-уркиларад тавбадарисби бархъси гъуйчивад вашес ва талихличи ваэс вирап!

## КАЛЕНДАРЬ

### Сафар базла бегла гъергъиси арбят

Бусурман дин кабизес гъалаб ( жагъилийяла замана) адамтас гъанбиркусири сафар базли балагъ-къадарра, къиян-жапара дихути сари или. Амма ил бархъси хлебиъни аргъахъибсири Аллагъла Расул Мухаммад идбагли <sup>ﷺ</sup>. Лерилра бузри, ил лугилизис сафар базра биахъубли, гъяхти баркъудлуми дурадуркес хлекъли далкадикибти сари или бурусири илини. »6



Ас-Салам фото

## ДИН ВА НУША

### Ислам ва нуша сунезир хъердируси дунъя

Исламли сабурбирнилис халаси мер декларбирули саби ва сабур-бирахъес бусурмантази махбиклули саби. Ишбархли нушани чеби-улра секъяйдали адамтала гъамрулизиб динни бурцуси мер къалабали имцлабиклулил. Халкъла-ургаб динна агълула адамтала хлурматра къалабали имцлабиклули саби. Гъайгъай, илдигъунти аги-къяйдали цахлнбали жамигъятла гъамруличи Исламли гъяхла шайчиб халаси асарра бирули саби, челябкълализис биалли ил гъаттира имцлабирар, улкализис гражданское общество кабилзахъни гъамбиахъесра икъалабиру.

Гъарил заманали жамигъятлизи пикридрахъес халкълис гъамрулизир имцали челу-къути масъултачил дархдасунти суалти дурайсули дирар. Ишбархли нушала улкализир ва хаслира Дагъистайзир илдигъунти суалтили детаурли сари динничил дархдасунти къачагъдешла политикала-экстремизмала суалти. Ил бяхлчибизлизир аклубти къияндешуни гъунчидушес ва къачагъдешличи къаршили бузахъуси дяви цакабихъиличил дархдасунти суалти пикридарес гъалимти, политикуни, хлукуматла органтала бурги, жамигъятла-политикала хлйракатунала вакилти цалабиркули саби.

Илдигъунти мажлисуначи, гъайгъайрагу, динна агълула вакилтира жибирули саби.

Илди челу-къути масъултала чебкад чинабалра гъайбиклули саби ва деклар-декларти пикруми дурули сари, цацахлели къалли цадехличи цадехл къаршити ва цадехли цадехл урдирхъути. Ил масъала илцадра адамтала мухллубазис бикибсили бетаурли саби, хлйтта ил пикрибир-нилизир илди суалтачибад дебали гъарахъти ва чуни селра деклар белгили хлебалути адамтани чула къуллукъла даража ахъбиахъес яра чучи адамтази пикри бяхлчиаахъес къас-

»3

## Номерлизир:

4

ИДБАГЛИЧИЛА <sup>ﷺ</sup> БЯНТИ

ИДБАГЛА <sup>ﷺ</sup> ИКЪАЛАЧИБИ



5

НУШАЛА ТАРИХ

МЕГЕБЛИЗИВАДСИ ДАМАДАН



6


БУСУРМАНТАЛА АРХИТЕКТУРА

АДАМТИ ХИЯРАНБИРАХЪУСИ ТАЖ-МЯХИЯЛ



7

СУАЛТИ ВА ЖАБАТИ



## САГАТИ ХАБУРТИ

## Гялимтала мажлис

Дербент шагъарлизиб Дагъиста динна гялимтала собрание бетерхур

Дербент жавхейчибад политикала, культурала, идеологияла мягничебси центрлизи халбириси саби. Ил шагъарлизир сарри Дагъистайзир цаибти мижитунти тлашдатурти. Хіера ил шагъарлизиб сабри цаибти дагъистанланти бусурманти бутаурти ва бусурман динна лигматуначи гъамбиубти.

Дербентлизи цаибти бусурманти музабухъунти биънилис бикъридеш дирули сари Дербентла хіябрази Мухаммад идбагличи гъамти адамти хіярибихънизира.

Мажлисличир бутлакъяндеш дарес музабухъунтала ургаб Дагъиста лерилпра мер-мусаличибад музабухъунти лебри.

Цалабикибтала гъалаб гъайбухъун машгурти Дагъиста динна гялимти: ДУМД-ла къанунтала отделла хіячизар **Мухаммад-хіяжи Даудов**, «Мяхіячкъала-ТУ» телекомпанияла бекі редактор **Мухаммадвакил-хіяжи Султанмяхіямадов**, ДУМД-ла къанунтала отделла заведующий **Мухаммад-хіяжи Мяхіямадов**, Мяхіячкъала шагъарла беклибиубси мижитла имам **Мухаммад-Расул-хіяжи Сагадуев**, С. Абубакаровла уличилси



Ас-Салям фото

ХІЯМІС

Сунени  
адамтачи  
урклеци  
хлебирисиличи  
Аллагълира  
урклеци хлебиру

фондла председатель **Хасмухаммад-хіяжи Абубакаров**, Хайдакъла районна мижитунала имамтала председатель **Шамил-хіяжи Хіяпизов** ва цархилти.

Илаб гъайбухъунтани бусурмантас буссягъатла замана лерглер мягничертили детаурти клел масъалала черкадти чула пикруми дуриб. Цаибил суал «Мухіяррам базла дурхъадешуначил» бархбасунсири, итил – «Дагъистайзиб Ислам тинтбікниличил». Ахират гъамбикули биънила лишантачилара гъай детаур мажлисличир.

Мажлис бетурхуси замана мавлидунира дурадуркљутири, илхелера деклар-декларти мезаначил. Гялимтани мажлисличи музабухъунти бусурмантани дедибти луглилашал дахъал суалтасра дурусти жавабти дедиб.

Мажлис бузахъи Шамхал поселокла имам Ибрагъим-хіяжи Хіясановли.

## Кавказла бусурманти мижит белхъниличи къаршили саби

Кавказла бусурмантала Куправлениели (КБУ) «Абу-Бекр» биклуси мижит белхъниличи къаршидеш далахъули саби. «Мижит бехъес чилалра ихтияр лебси ахлен.

Илала мерличиб се тлашбатес балбизурли биаллира, нуни иличи члумати къаршидеш далахъулра», -буриб журналистуначил пресс-конференция дураберкибси замана бусурмантала ил организацияла бекі Аллагъ-шукюр Пашазадени.

Бакулизибси Наримановский районнизибси «Абу Бекр» биклуси мижитлизи арбякъунси дуслла августла 17-личиб белгили ахленси адамли игъубси граната баргбердибсири ва илхелли клел адам алхунтири, 19 адам дяхъи-хъаслизи бикибтири. Ил багъандан заманалис мижит къяпбариссири.

Мижитлизи граната лайбакнилизив гяйиблизи урцуси Эльнур Бахшиев къачагъдешла хіилла дураберкили сай или уцибсири.

Октябрьла ахирличиб Баку шагъарла Наримановский районна судли хлукму дурасиб мижитла бузери бехбіхъахъес. Амма ил хлукму глур барсбариссири, сенкун полицияла управлениели багъахур мижитлизир глурра къачагъдешла хіиллурти дурадурклес хіядурбикли саби или. Ил багъандан гъачамлис мижит абхъахъес балтули ахлен.

Такъсирти дарес хіядурбиклутти лебли биалли, илди белгибарес ва жавабличи битлаклес хіяжатбиркур, амма мижит къяпбарес сабаб агара, бикли саби Кавказла бусурманти.



## Софиялизиб Исламла центр ибхъу

Гъамсигъуна заманализиб Болгарияла тах шагъар Софиялизибси Улелъала къярд биклуси районнизиб мижитунализиб бузахъес имамти ва цархилти динна агълула адамти хіядурбириси Исламла центр абхъили бирар.

Илгъуна хабар буриб камси гъалавван Болгарияла муфтий Гялиш Хіяжичил гъуниваибси замана Софияла мэр Бойко Борисовли.

Болгарияла тах шагъарла мэрли багъахур улкализиб хлерибути бусурмантази чула динничила биубцад ункъли багъахъести шуртлри глердуцили диэс гягнитти сари или.



Муфтийлира буриб Исламла центрлизир кайсахъути багъудлуми деклар-декларти динанала вакилтили сабти адамтас цали итилла пикри иргъес икъаладирар или.

Исламла центр белшахъес Болгариялис икъалабирули саби Исламла Конференция Организацияли, сунезира 60-чирра имцлати улкали бутлакъяндеш дириси.

Центрлизир кайсахъути багъудлумала программа балкъарахъухлели ил улкала багъудила Министерствочиллира пикри цалабахъили бирар.

## «Адам ва дергъ»

«Гядатла вагъабизм» биклуси Гябдулла Гялишаевла фильмлис Лебилроссияла документальный кинола клиибил фестивалъла бекіси приз бедиб.

Ил фестиваль бетерхурсири 2008 ибил дуслла 14- ибил декабрьличиб Екатеринбурглизиб.

Хлербикантас ва журилис гъаладихъибтири 118 фильм, чузибра Ватанна Чебяхъи дергъла,



Афганна ва Чечняла дургъбала игитуначила бурибси. Илди кинобазиб илкъяйдали бурили саби дургъбазиб бургъули калунтачила ва гъанна бургъутачила, дергъли хъали-цализибад, юрт-мусализибад мяхлрумбарибтачила, чула бегларла гъамти адамти бетяхъахъибтачила.

## Фестиваль дурабуркнилизир бутлакъяндеш дариб:

Екатеринбургла администрацияла культурала управлениели;

Гуманитарный университетли (Дергъла ва дергъла тарихла хіялумцлабала Центрли);

Свердловскла областьла В.Г. Белинскийла уличилси гилмула библиотекали;

«Шурави» биклуси бургъанти-интернационалистунала хлурматлис барисси муниципальный музейли;

Россияла кинематографистунала Уральское отделениели;

«Арсенал» биклуси дергъла инвалидунала областьла организацияли;

«Россияла солдатунли» биклуси культурный Центрли;

Фестивальличи Россияла ва дура пачалихъунала шагуртазирад дебали дахъал киноби дархъибтири.

Документальный кинобазиб журили гяхъи саблин декларбарилли саби Гябдулла Гялишаевла «Гядатла вагъабизм» биклуси фильм.

ДИН ВА НУША

1 « личил сари илдигунти аварализир бутлакьяндеш дирути, челукуysi суал гунчибикахъес ахленну. Жамигят къачагъдешлизибад берцахъес имканбиклахъути сари или гяхлцад тяхяр-къяйда далдуцахъес гяладирхъули саби, амма илдани лайикъи асурти дирахъули ахлен. Ил секлал баянбарес имканбиклахъути далилтира лер...

Къачагъдеш динна палтарлиу

асубирар или урухкюли саби. Динна агълу хлукуматла ари сунези буцес мурталра бузули калунси ахленри ва динна агълули чула гяла илгуна мурад тлашбатурси ахленри.

Дагъиста динна идара гражданское обществола институт саблин ва жамигятла духнар адаб-хия дихахъес гъазализибси саблин мучлахъебирули лебалцадхли, динна гялимтаци къарши-

тала дагъриличи чини имцали халаси асар барес вирарал, ишбархли чула челяккъла ва пикрумала кабиз гъачамлис саркъахъили белгихъебаритикун илди саби. Къачагъунани чула таваккала аварализи битиклутира имцатигъунти жагилти саби. Чили вирара илди къачагъдешла идеологиялизибад гъарахъбикахъес, ил барес чила къулайти имканти лера?

# Ислам ва нуша сунезир хIердируси дунъя

дигяндикили диъни багъандан диннизиб селра деклар хIебалуси адамра къачагъдешлизи вархахъес асубирнила урехира леб. Бархъдеш баргес умцуси адам ибкети умцлабази вархибси замана ит яра ишил идеологияла асарлиу викес асубирар.

Суал алкюли саби, се барес гягниси цахнабли жамигят вайдерхурти ва дазуличи кадизурти цакъанала асарлиу хIебикахъес багъандан? Илис жаваб цазаманализиб гъамадсира саби къяансира. Биклуиван, гъарил пасихси секлал гядатлибубси бирар. Къачагъдеш деклар-декларти мермусаличир сегунти-биалра политикала шайчирти мурадуни сархес гъазализи кадерхурти цакъанани адилкъути сари. Илдада беклибубси ва гъарахъси бяхIчибизличилси къас биалли-Ислам агарбарес саби.

Къачагъдеш динничил дархдалсахъули гIергъи, ил лебилра динничил къаршили дяви бузахъес гяхIси сабабли бетарули саби. Дин-халкъис опиум саби или цахнабли динничил къарши-си дяви бузахъес пайдалабарибсирри коммунистуну-атеистунанира. Ил бяхIчибиз гъаннара цархил тяхярли багъарбулхъес даимбиубли саби.

Адамтала уркIазибад дин бетахъахъес вирус ахлен, ил сархес хIейруси мурад саби, ил барес хIейрни гъачам яра кIина ахлен гIямрулизиб ва тархлизиб гIячихъибубси. Бусурманни диннизибад гIелумбизахъес чинилра хIейрар. Амма Исламличи къаршили бургъниличил лерилра цакъани дяхIчиабтира леб. Къачагъдеш динничил дархдаснири биалли илгуна дяви къелгIеббикибдешличил тлашбатахъес илдигунти цакъанас икъалабирули саби. Лебилра жамигятла гялаб динна агълу булан гIяйиблизил буцес аварали биркъути къаршибиркули саби. Суал алкюли саби, илдигунти цакъанала къакъла гIелаб тлашти чихъали саби ибси.

Динна-политикала къачагъдешла хIяракатличи къаршили дяви бузахъенилизиб бегIлара халаси хатIали бетарули саби ил дявиллизил саби Исламни бурцуси мер хIисаблизил кахIейсни. «Исламла шайзибадси урехили» паргъатагарбихъубтани Ислам жамигятлис къуллукъличиб биахъес диргаладеш алкъахъули саби. Гъарли-марси ислам гялабяхI башнилис ва тинтIбирнилис гъабизуни алкъахъули сари. Ца бархли Исламла вакилти жамигятла-политикала баркъудлумас гъуни чебиахъес бехIбирхъур ва илдани хлукуматла ари чузи буцес

ли заказарили делкъахъунти макъалаби дурадулхъулилералцадхли, гъарли-мартисуйхрачи къаршили бяхIчиабси дяви бузахъули лебалцадхли, Дагъистайзиб паргъатдеш минахIебирар ва кабизалачерти ва хIерудилиур дихIес вирути агикъяйда кадизахъес хIейрар. Ил шайчир къас-къасли аклахъубти далагартти агикъяйдали халкъла бухIнаб бижгурдеш имцабарахъу, анцIубкъ миллатчидешла дагъардухълумачи ва адамти миллатуни хIясиблира динани хIясиблира цабехIличи цабехI къаршили кабизниличил арбукес асубирар.

Исламличил дархдасунти Дагъистайзир лерти тяхяр-къяйдаличи хIеризалли ва илди баяндарес вализалли, жамигятла бухIнаб паргъатдеш ва кабизалачебдеш калахъес динна агълули дакIудирути къайгъни чедиули ахлен, илдани ил мягIичебси баркъудилизиб буцес бируси мер гягниси тяхярли иргъули ахлен, хIятта илгуна кабизалачебдеш гIеббуцес гъанналаубал динна агълули дебали халаси хIянчи бирули биаллира. Нушани чехIебаэс хIедирехIе динни адамтала гIямрулизиб бурцуси мер къалабали халабикюли биъни. Динна агълула халкъла ургабси хIурмат имцIабикюли биъни. Гъайгъай, ил секлал цахнабли жамигятла бухIнаб кабизалачебдеш гIеббурцилиси ва гIяхIти тяхяркъяйда даимдиахъенилис къуллукъличиб биэс гягниси саби. ГъаннакIун гражданское общество кабилзахъениличила дахъал гъай детурхули сари ва ил шайчибси бузери жигарчебли бетурхули саби. Дагъистайзир жяхIейчирад халкъанала ургар кадизурти гъалмагъдеш гъатIира уржахъенилис ва гяладяхI дашахъенилис диргалабулхъутала авара пуждирнилизил динна агълула вакилтани халаси пай кабихъес бирар ва ил имкан устадешличил ва къасчебли пайдалабарес хIяжатбиркур.

Даширая баянбирехIе жагил адам-



Ас-Салам фото

Къачагъдешличи бетулхъутала авара баяндарес вирус динна шайчивси гIялимла ил шайчирти имканти имцалив яра къачагъунала законничил далхIедикибти баркъудлуми аргъахъес къасличил адамтала ургаб иргъахънила хIянчи дурабуркIанталав?

КIибибли гяладирхъути маслигIятуначи ва дурути далилтаци лехIихъуси жагилли илизи дахъал суалти дедлугули сай, дигалли рушбатчидешличил, дигалли экономикализир акIубти къяанти агикъяйдаличил, адаб-хIяяла къиликъуни детихъениличил ва пасатдеш тинтIдирниличил дархдасунти ва цархилти далагардешуни гъандуршули сай, насихIятуна угъусили биалли илди урдахъес вирули ахлен.

Динна шайчивси гIялими биалли къачагъдешла идеологияла асарлиу викибсиллизил къалабахIейкюли, уркIилизи атлести ва хIекъти далилтачил илгуна бяхIчибиз бархъси хIебиъни ва иличирли диэс дирути зарулти иргъахъули сай. Исламни ил бетуцлизиб бузахъуси хIянчила гъаннара халаси къадри леб. Динна агълули жамигятла бухIнабси агикъулайбихахънила шайчир ва кабизалачерти тяхяр-къяйда кадилзахънила шайчир гъатIира асарчерти тяхяр-къяйда далдуцес бирар. Илдада хIурмат Кавказлизибси агикъ бижгахъес бузутала авараличи къаршили пайдалабарес хIяжатбиркур. Ислам зулмукардешла мурадуназиб, халкъанала ургарти бархбасуни джгахъес къасличил пайдаладарахъес батес асухIебирар. Дагъиста бусурмантала духовное управление Дагъиста гIялимтала Советра миллатуни-ургарти ва динани-ургарти бархбасуни тинтIдиклахънигIерли дурадулхъули сари, жамигятла духнар адаб-хIяя калахъес илдани бируси хIянчи къиматлабарес булан къяанни саби. Диннира адамти я даража хIясибли, я миллатуни хIясибли буртIули ахлен,

ХIЯМ

Бунагъличи  
Гъимичевси ва  
балга барнилизиб  
разидеш  
бургуси адам  
гъарли-марси  
бусурман сай

лебилра цали итилла хIурмат бирахъес ва челукути масъулти даршули, уббиклуми дирули, цали итилла мурадуни хIедялчIули ирзахъес жибирули саби. Лерилра илди лишанти гражданское обществоличи хастазирадра сари.

Дагъиста муфтийли, Духовное управлениелизиб бузуги гIялимтани, мижитунала имамтани гъарил жумягI бархли мижитуназир хутIаби дурадуркIухIели адамти хIялалли хIербирахъес, имцати аварализибад мяхIкамли буахъес, Аллагълизибад урухIлахъес, цалис цали кумекбихахъес жибирули саби, Къуръанна тIалабуни хIясибли хIербирахъес махбикюли саби. Илдани адматас даршудеш, кабизалачебдеш, къелгIеббикибдеш булгули саби. МухIаммад идбагла гIямрула ва баркъудлумала гIибратуначил хIербирахъес бусурманни бяхIчиули саби. ВегIлис урхли барили хIейгуси цархиллисира хIебирахъес махбикюли саби. Гядатла адамла бузерила бархли 8-9 сьгIят биалли бухъанбилтIуси, динна агълула хIянчизарла бузерила бархли 17-18 сьгIят бухъанбилтIули саби, хаслира мижитунала имамтала. Илдани сари адамтала ургар алкIути жура-журала жалани гъунчидуршути, бижгурти даршубирути.

Ил багъандан Дагъиста исламла университет таманбарибти жагил адамтани Къуръанна тIалабуначи хъарихъули саби бяркъ кайсуси, илди халати адаб-хIяяличил декларбулхъули саби, илдани адамтала уркIабазир цаличи цала диги адилкъули саби, адамти ряхIму-уркIеци лерти бетаахъес пайдаладирули саби чуни касибти багъудлуми ва устадеш.

Илди чула уркIазиб Аллагъра, идбагличил дигира, лебилра адамтаци дигихIурматра лерти адамти саби. Илдани адматас разидеш бихули саби, илдада уркIаби шаладирахъули саби. ИшхIелла къяанси ва жалати гIямрула замана илра камси ахлен къалли. Илдани чули бируси хIянчилис Аллагъла гялар жавабкардеш дихули саби.

Ислам—лерилра замунтаци балбикибси дин саби, илини адматас гIяхIдеш саби бихуси, ил ишхIелла гIямруличира балбикили саби, багъудлумитинтIдируси ва гъаркъяти пикрумачи кабизурси дин саби.

Гъарли-марси бусурман адам, селисалра гялав, сунела улкала гIямрулизир жигарла бутлакьяндеш дируси адам сай, ил алавчарти адамтаци дигили вицибси сай, багъудичевси сай ва хIялалдешличил декларулхъули сай.

Ил хIякимдеш дикахъес гъаргъли ахлен, цархилти адамти сунес мутигIбарес къайгъилизлив ахлен. Ил мурталра «Дила Халавегил—хIу вагъес саби дила къас, ХIечи гъамизэс сайра ну хIерируси» ибси жилиув хIерирули сай.

Ил сунечи Къудратла ВегI мурталра разили калахъес гъазализив сай, гIяваси мер яра ахъси тах бикахъес хIяракатлизив ахленну.

## ИДБАГЛИЧИЛА ۞ БАЯНТИ

Асхіяб— ил динна шалали урки бицибси, гямрулизив гъачамалра Аллагъла Расул ۞ чеэс къадарбиубси яра илини гъачамалра сай чеибси бусурман адам сай.

Илдани Мухаммадла ۞ уммат бархъси гуйчибад бикули саби. Мухаммад идбагли ۞ бурибсири: «Дила асхіябти зубартачи мешути саби. Илдазивад чидиллис гелавад ватихъадлира Аллагъли чебаахъибси гуйчив вируд».

«Асхіяб» ибси дев Идбагличил ۞ биубси ихтилатлизир бутлакъандеш дарни» ибсиллизибад (сухбат) бетаурсиллизи халбирули саби .

Асхіябти—инсаниятла бутла саби, чулира идбагунас (наби) ва Аллагъли вакилбарибтас (расултас) гьегъи беглара чебяхъиси хурматла даража сархибти. Иличи че, илдазивад гъарилла сунела даража ва рухъла дунъяла шайчиб гъалабяхъи башнилизиб буцибси хасси мер лебси саби. Бурули бирар гъалаб-гъалабти бусурманти чула даражализиб гелавад бетауртачиб ахъти саби или. Дурхъати халифунни (хулафау рашидин), Бадрализиб биубси дергълизир бутлакъандеш дарибти бурганти, чузибадра вецли

# Идбагла ۞ икъалачибси

Асхіябти



Идбагли ۞ бурисири: «Гяббас дила сай, ну Гяббасла сайра. Кърайшуназивад ил беглара сахаватси сай. Чини Гяббаслис зарал баралра, ил наб зарал барибси сай».

мицирли лебалли чус алжанализиб мер хядурли биъниличила багъурти, «Ризван хъя барибти», гъанбушибси гъабгьегъидешлизиб чула даража хъясибли цабехъличиб итилти ахъти саби. Аллагъли нуша Къиямалла бархи илда бириси икъайзирад мяхруммадараба.

Нушала Идбагли ۞ дурхъати халифуначила гьегъиси пикри бурибсири: «Дила жамигъатлизивад беглара ряхъимчевси Абу Бакр сай. Аллагъла гуйчив беглара къяркъси Гумар сай. Урезилис цаибил Гусман ибн Аффан сай. Беглара дурусти хлукмурти дурайсуси Абу Талибла урши Гяли сай».

## Идбагла ۞ тухумти

### Идбагла ۞ дудешла узби

Аллагъла расулла ۞ дудешла вецал узи лебтири: Харрис, Зубайр, АбуТалиб, Хямзат, Абу Лахаб, Гайдак, Зулминкави, Зарар, Гяббас, Кусам. Илдазибад кили Ислам къабулбарибсири—Хямзатли ва Гяббасли.

Хямзатла «Аллагъла арсланкъаплан» ибси чеу лебсири. Ил сахаватдешличил ва гъабзадешличил машгъуриубсири. Бусурман дин къабулбарес гъалавра ил къурайшу-

нала ургав халаси хурматличил пайдалаирусири. Ил Идбагличив ۞ клел дуслу халаси сайри. Илини ислам тинтбирес бехъибхъибси заманализибал къабулбарибсири. Маккализигъчибуштала ургавра леври. Бадрализиб биубси дергълизир халати гъабзадеш дакълударибсири. Ухудлизиб биубси дергълизив шагъид ветаурсири (дин багъандан алхунсири). Идбагли ۞ ибсири Хямзат шагъидунала хужаим сай или. Ухудлизиб биубси дявлизиб илини хъябцалицад капур кабушбири ва сайра дергълизив алхунсири. Хямзат кавшниличила багъурхъели, Идбагли ۞ ибсири: «Хямзат, Аллагъли урклеци бараб хъечи. Хуни тухумдеш уржахъусири ва гъяхъдешуни дирусири. Ишбархъила гьегъи набчи хъела бекъаличир халати я балагъ я пашмандеш хъякъан».

Гяббас Ислам кабизайчира илала гьегъира къурайшунала ургав хурматла адам сайри. Илини хъяжликъянаби замзамла шинни балхусири, Кягъалис къуллукъличив вирусире (ремонтвирусири). Мадиналантани Идбагличил ۞ вягъа бирухъелира, Гяббасра левсири. Хунайнизиб гъазаватла замана Идбагла ۞ мякълав Гяббасра левсири, ил душмантазивад мяхъамирули. Ил бархи илини Идбагла ۞ валрила ургъур буцибсири. Идбагли ۞ хъарбарни хъясибли кумекбарахъес ансарти жибарибсири. Илала жиличи

музабухъунтани душманти бячлунтири.

Аллагъла расулли ۞ Гяббасла халаси хурмат бирусири, тьп сунела дудешлагъуна, илис гъяхъдешунира дирусири. Идбагла ۞ икъалачибсири иличи гъаман насихъят бурахъес дугъабилзутири. Гяббас дебали вархъси адам сайри, сахаватсира сайри, тухум уржахъусири. Гумарлира Гусманнира илала халаси хурмат бирусири. Ил чеибхъели, Идбагла ۞ дудешла узила хурмат барили, илди валрумачибад кабицлутури. Халиф Гумарла тилади хъясибли Гяббас заб дарахъес Аллагъличи дугъайзурсири ва илала балга къабулбарибсири.

Идбагли ۞ бурисири: «Гяббас дила сай, ну Гяббасла сайра. Кърайшуназивад ил беглара саха-

ватси сай. Чини Гяббаслис зарал баралра, ил наб зарал барибси сай».

Аллагъла расулли ۞ Гяббас багъандан ва илала дурхъни багъандан Аллагълизи балга барибсири илдала бунагъуначивад чевкерхахъес. Гяббас хъижрала 32 ибил дуслизив 88 дуслу гъямруличив вебкиссири. Ил Бакия хъябрази хъярихъибси сай. Саби киличилра Къудратла ВеГ Аллагъ развили калаб.

Абу Талибли мицирли левалцадхъи Идбаг ۞ валтахъусири къяринчикъунас суждабирантазивад. Илини аргъесли шагъадат бурибси ахъенри, амма гъялимтала ургаб ил Исламлизив вебкис бикути леб.

## Идбаг ۞ ниъли вахунти

Мухаммад идбаг ۞ ниъли ухъахъунтазибад сабри: сунела неш Аминат, Сувайбат, Хавлат, Мунзирла рурси, Умму Айман, Хялимат (сагъдихъала къамлизирадси), Пятикат бикути гъатлира хъябал хъунул адам.

Бегла вахъхъли ил ухъахъули калунсири Сагъдия къамлизирадси Хялиматли. Виштласи Мухаммадлис бяркъ бедлугули калунси Хялиматла хъалибаргличи халаси баракат чебетаибсири. Мухаммад ۞ Идбаг ветаурли гьегъи, Хялиматли бусурман дин къабулбарибсири. Хялимат сунечи музарухъунхъели, Мухаммад идбагли ۞ сунечибси халат чебатурсири ва ил кариахъес ванзаличи убушибсири. Ил сунела мякъла кариахъибсири ва илис савгъатуни дедибтири.

Белки ДУМД-ла  
къанунтала отделли  
хъядурбарибси саби

## Идбагла ۞ дудешла рузби

Аллагъла расулла ۞ дудешла урегал рузира лебтири: Байзат, Баррат, Пятикат, Сафият, Арва, Умаймат. Илдазибад Ислам къабулбарибти сабри Сафият ва Пятикат. Гъялимтала ургаб леб Арванира бусурман дин къабулбарибсири или бурути.

Сафият дебали сарерхурси, сабура реГ, жагали гъайрикъес балуси вирусире. Илини ислам тинтбирес бехъибхъибмад къабулбарибсири. Ислам багъандан ил гъч булан риубсири. Сафиятли, халаси тьерхъали бяхъили, вай барес вализурси жугъутI иудей кавшибсири.

Сафият Гумар халифли вирусире замана ребкис—хъижрала 20-ибил дуслизир верхъцали дусличир имцали риубли.

НУШАЛА ТАРИХ



Мяхлямадрасул Гямаров,  
Дагъиста бусурмантала идарала  
пресс-секретарь.

mr-omarov@mail.ru

Меgebлизивадси гярабла гилму мурхъли дяркърси Дамаданничила дурути лерглер тамашала хабурти даили сари нушачи, ил лугилизир вирхаэс къиянти булан. Илала уличи хурматличил Эфенди чебалтули саби. Ил гялимлизира халирули саби, машгърси тухтурлизира, химиклизира уйгули саби. Илгъуна бяхичибизлизира бурули саби Меgebлизивадси Дамадан гъарра шайчивад гъалавяхл арякъунси энциклопедист виъниличила.

Дамаданна цаибил учительлизи халируси сай Дагъистайзиви машгърси динна гялим, философ—гъаннала Гъунибла районна Гярчила шилизивадси Казакилав (Мухламад Амин). Илала асарлиув урги Дамадан цацадехл гилмуртази имцали мурхъикбсира. Казакилавличив учлуси илини физикала гилмулизира дахъал секлал дяркър. Итхелели физика философияла ца бутлализи халра бирусири. Илини итхелели суненицун физикала учебник булан цахнабяхъибсири. Илала гьегъи Дамадан белчудиди даимбарес Гъамси Востоклизи арякъунсири. Илини Сириялизир, Иракълизир, Хиджазлизир, Азербайжайзир гялхцад дусми дерклиб, илаб хьерирути машгърти гялимтачив учлули ва сунела сай гъалавяхл вашули. Ил ит замана чумилра мерличи ваиб, гъарил архля гилмула мурадуначил бархбалсахъусири. Бурули бирар, итхелели Иеменнизив иличил варх учлули Къудутлилан Мусалавра левсири или. Илаб илди Дагъистайзибадти клелра гялим лерилра гямрулис гьалмагъра бикиптири. Дамаданна пагъмуртачила бурухелели, селисалра гъалаб бурес чебиркур, илини дурусти гилмурти руркънлизир дихахъубти сархибдешуначила. Илини астрономия, математика, геометрия, химия, медицина ва цархилти гилмурти мурхъли дяркъртири.

Гялимтани ва хялумцантани ил гъарра шайчивад гъалавяхл арякъунси энциклопедистлизи халирули саби. Ил гярабунала-бусурмантала культураличи веглиубсири. Алгебрала ва математикала шайчирти сунела хялчурбазир илини тригонометрияла таблицаби булан тинтлели пайдаладирусири, алгебрала уравнениеби ирзухелели, илини хялбъибил, авъибил ва шуибил даражала задачаби гъамадли гъунчидуршусири. Гямрулизир хялжатти анцбукъуназир биалли пропорцияби пайдаладирусири. Химиялизир илини

# Меgebлизивадси Дамадан

Гярабунала-бусурмантала энциклопедист



Дагъистайзир бегл гьалар деклар-декарти химияла элементуни, металлти умудирнила деклар-декарти тяхурти пайдаладирусири. Суранти, хурумти, баларурхъесдеклар-декартиранганала рухъерила рецептуни хялдуридури. Илкъяйдали Меgebлизивадси Дамадан Дагъистайзиб медицинала школалис хьулчи кабихъибтазивад цализира халварес хялжатбиркур.

Меgebлизивадси Дамадай сабри персиялан мезличибад гяраб мезлич шурбатурси «Тухфатул муъминин»--«Бархъси динна беглгас савгъат» биклуси жузра. Ит замана дебабли камли къаршибиркуси ил жуз Шамахи буцибхелели Чулахъ Сурхайханнис бикибсири. Хан биалли медицинала хурмат бирутазивад сайри. Дагъистайзиви машгърси гялимли сайси Меgebлизивадси Дамадайзи шурбатахъес тиладибарибсири. Гъайгъай, гялимли ил жуз иштхлличил ва лебгелб чебетаахъили шурбатур, гямрулизибра хялжатбикибхелели пайдаладирусири.

Дагъистайзиб балули саби ил жузла халали ахленси булеги мезлич шурбатурси бутлара, сабира Сайфулла-къадила дудеш Хлусен Башларовли шурбатурси (Асубирар ил сай Сайфуллакъадини шурбатурси бизсра, сенклун илра медицина дигутазивад цали вирусир). Меgebлизивадси Дамадан медициналичил ункъли тянишсири Востокла машгърти гялимти Ибн Синала (Авиценна), Абул Къасим Захравила, Ибнул Байтарла, Закария Рразила ва цархилтала гилмула хялчурби хясиблира.

Астрономияла шайчивра Дамадан марварибси гялимлизи халируси сай. Илини сунела гилмула хялчурби луклухелели Востокла машгърти астрономти Улугбекла ва Насрутдин ат-Тусила хялчурбазивад гъуни кайсусири. Илини илкъяйдали персияла мезличибад гярабла мезлич шурбатурсири Улугбекла «Мукъаддамат» биклуси гилмула жуз баянбирути ал-Бурджанила комментарийтала жузра.

Ишаб суал аклес асубирар, сен Дамадай гялимтала жузи гяраб мез-

лич шурдалтутири, Дагъиста миллатунала мезаначи шурхледалтули или. Ит замана Дагъистайзир гяраб мез дебали машгърти дирутири ва илди ункъли далути бахъал гялимти лебтири, персанала мез далути биалли илцад бахъал аги. Гяжам итхелели лерлихъалли, гилмула жузи илдачи шурдалтули ахленри, ашкарлигу мерла мезаназир илдигъунти гилмуртала жузи шурдатес хялжатдикути терминтира хледурги, илдиклун ишбархлира агара.

Ил багъандан мадрасализив учлусили селисалра гьалар гярабла мез дирутири итхелели руркъути. Гярабунала-бусурмантала культура дагъистанлантани илкъяйда сабри руркъуси. Меgebлизивадси Дамадайра астрономияла хлекълизирти сунела гилмула хялчурбазир луглурбала мерличир гярабла алфавитла хлурпри пайдаладирусири.

Динна гилмуртира Меgebлизивадси Дамадай лерглер мурхъли дяркърсири. Илала пагъмукардешличила бурули саби «Сирру Ррабани»--дигляндешуни руркъуси гилмудалнизира. Ил шайчирти илала пагъмуртачила бурути нушачи дахъал тамашала хабурти даили сари. Къудутлиладси Мусалавлара ил гилму бяркърсири или бурули бирар. Ил виклусири Аллагъла пергерти ва диглянти уми далусилис селра гъалабизес бируси ахлен или.

Меgebлизивадси Дамадай имцасигъуна замана багъудлумачи веглиэс къайгъназиб Дагъиста дураб бурклусири. Илини хялжумцлабира опытунира дирусири. Бебклали ил ца архяла замана Азербайжайзибси бахъхила Гянджализив варгиб: 1721 ибил дуслизиб (цархилти баянти хясибли 1726 ибил дуслизиб) турк Азербайжайчи чебухъунхелели алхунсири.

Меgebлизивадси Дамаданна цалра гилмула хялнчи бутназиб ахли, абзурли нушачи баили ахлен, амма илала абзурси хялнчи даклубухъесра асубирар. Илала гилмуртала шайчирти мурхъти багъудлумачила бурули саби цархилти гялимтани чула хялчурбазив ил гъаман ва халаси хурматличил гъануршнили.

ХЯЛМС

Сириличирад  
хябличи  
бикайчи  
багъудлумачи  
дегдиреная

## ГЯБДУРЯХИМАН ДЖАМИЛА ХАБУРТИ ВА АЙТУБИ

### Зулкъарнайра илала полководецунира

Гъачам Зулкъарнай сунела гяскуртала полководецунала урга кайили ули сай. Илдазивад ца патишагълизи виклули сай:

– Къудратла Бегл Аллагъли хлед халаси къуватра давлара гили сай. Гъанна хлуни бахъал хъунри кабиа, хлела бахъал дурхлира биахъес ва иш дунъялизиб хлу гъаниркути имцабиахъес.

Муруйчила гъанбиркахъуси илала дурхлини ахлен, – жаваб бедили сай Зулкъарнайли, – гялхти законтанара дархъти баркъудлуманира саби.

Дунъяличир черяхти баркъудлуми дурадерклес бажардиикили гьегъи сунечибад хъунул адамти чедибикахъибсилис духуси сай виклес хлейрар.

### Чягъир дигусиличила хабар

Муртрил ца чягъирлис дебали мутлигиубси адам хлерирули ули сай. Амма ил ца заманализив держла бужнилизивад гелумизурли сай. Илхелели илала къуллукъуни илцадра гялхил гъунчидиркес дехлдохъили дуили сари, хлятта ил сунела даражалезив булан ахъиубли сай ва арагелбли вилайетла халавегил ветатурли сай. Чягъирлис мутлигси замана ил сегъуна сайрил валутани илизи хъарбаили буили саби:

– Хлела рухлала цлакъличила нушани балулра, амма хлуни нушази ишгъуна секлал бурили дигулра, секъйдали бажардиикири хлу илгъуна пергер адам ветазес? Нушани чеири къалли хлу чягъирлис мутлигли вирухелера. Секъйдали бажардиикири хлу илкъяйдали гямрула бетуц барсбиахъес?

– Гле, дила някъ чягъирла пигъайчи бетулхъули калун, сенклун ну лигляматуназибад тлягям касес, уркли рахлятбарес гъазализив сайри итхелели. Амма ну ужухелели, иш бержили гьегъи гямрула бетуц барсбирахъис виклули хлейрира. Гур наб иш бегла гьегъиси пигъала саби бужуси или пикри башес бехлбихъиб. Ил пикрили наб гъарли-марси талихличи гъуни абхъиб или гъанбиркули саби, – бурили сай илини. – Гъанна дила рухл булан паргъатли сари.



## КАЛЕНДАРЬ

1 « Сафар базла хлекълизир кӀиуркӀдеш далахъути гъаннара кършибиркули саби, цӀябти адамтазир илдигъунти васвасъала мурталра дирути сари.

АхӀерти бусурманти, гӀяхӀра вайра Аллагълизирад сари дигахъути. Къуръаннизибра бурилигу: (мягӀна) «ВикӀен: гъар секӀал Аллагълизирад сари».

Сафар баз гъарахъти архӀяби (сапарти) дурадуркӀнилис къулайагарсилзи халбируси саби, хаслира ил базла бегӀла гӀергъисигъуна арбӀягӀ бархӀи. Ишдус ил бархӀи февральла 25-личил цугбиркули саби. Ил бархӀи ванзаличи диути сари бикӀар дусла духӀнар кадикес гӀягӀнити лерилра вайти секӀал ва балагъ-къадар. Илдази хӀейкес, илдазибад мяхӀкамдеш барес багъандан гӀергъити тяхӀаркъяйда далдуцахъес маслигӀятдирули бирар. Авал ракагӀатла дехибала дирути сари гӀергъиси ниятра барили: ахир арбӀягӀла (гӀергъисигъуна арбӀягӀ бархӀи) балагъ-къадар черардукесли. Гъарил ракагӀатлизиб «АлхӀям» («ФатихӀя»), 17-на «Инна агӀтайнака» сура («Кавсар»), 5-на «Къулгъу» («Ихлас») ва гъачам кӀелра КъульагӀгузуь («Фалакъ» ва «Ннас») дучӀути сари ва саламлис гӀергъи иш балга бируси саби:

**«Бисмиллагъи ррӀяхӀмани ррӀяхӀим. Аллагъумма я шадидал къува ва я шадидал михӀлали я гӀазизу заллат лигӀиззатика джамигӀлу халкъика икфини шарра джамигӀли халкъика я МухӀсину я Муджмилу я Мутафаззилу я МунгӀиму я Мукриму Я ман ла илагъа илла анта ирхӀамни би рахӀматика я архӀама рахӀимин. Аллагъумма бисиррил ХӀасани ва ахигъи ва абигъи ва джаддигъи ва уммигъи ва банигъи икфини шарра гъазал явми ва ма янзилу фигы я Кафиял мугъиммати я ДафигӀал балияти**

## Сафар базла бегӀла гӀергъиси арбӀягӀ

بِسْمِ اللّٰهِ الرَّحْمٰنِ الرَّحِیْمِ

اللّٰهُمَّ يَا شَدِيدَ الْقُوَىٰ وَيَا شَدِيدَ الْمَحَالِ يَا عَزِيزُ ذَلْتَ لِعَزَّتِكَ جَمِيعَ خَلْقِكَ إِكْفِنِي شَرَّ جَمِيعِ خَلْقِكَ يَا مُحْسِنُ يَا مُجْمِلُ يَا مُتَفَضِّلُ يَا مُنْعِمُ يَا مُكْرِمُ يَا مَنْ لَا إِلَهَ إِلَّا أَنْتَ إِرْحَمْنِي بِرَحْمَتِكَ يَا أَرْحَمَ الرَّاحِمِينَ. اللَّهُمَّ بِسِرِّ الْحَسَنِ وَأَخِيهِ وَأَبِيهِ وَجَدِّهِ وَأُمِّهِ وَبَنِيهِ إِكْفِنِي شَرَّ هَذَا الْيَوْمِ وَمَا يَنْزِلُ فِيهِ يَا كَافِيَ الْمُهْمَاتِ يَا دَافِعَ الْبَلِيَّاتِ فَسَيَكْفِيكَهُمُ اللَّهُ وَهُوَ السَّمِيعُ الْعَلِيمُ وَحَسْبُنَا اللَّهُ وَنِعْمَ الْوَكِيلُ نِعْمَ الْمَوْلَىٰ وَنِعْمَ النَّصِيرُ وَلَا حَوْلَ وَلَا قُوَّةَ إِلَّا بِاللَّهِ الْعَلِيِّ الْعَظِيمِ وَصَلَّى اللَّهُ عَلَيَّ نَبِيِّنَا مُحَمَّدٍ خَيْرِ خَلْقِهِ وَعَلَىٰ آلِهِ وَأَصْحَابِهِ أَجْمَعِينَ.


фасаякфикагъумуллагъу ва гъува ссамигӀул гӀалим. Ва хӀасбуна ллагъу ва нигӀмал вакил нигӀмал мавла ва нигӀма ннасир ва ла хӀавла ва ла къуввата илла биллагъил гӀалийийил гӀазим Ва саллаллагъу гӀала сайидина МухӀаммадин хайри халкъигъи ва гӀала алигъи ва асхӀабигъи аджмагӀин».

Илала мягӀна саби: Ва вегӀла цӀакъси, вегӀлара халаси къуват лебси дурхъаси Аллагъ, лерилра секӀал ХӀед мутӀигӀли сари, ХӀуни нура ХӀуни аклахъубти секӀа шайзибадси зараллизивад мяхӀкамвараба. Ва ГӀяхӀдешуни диран, ЧеряхӀдируси, Лугуси, Сахаватси, ХӀу ахӀенси гӀур цархӀил агарси, ХӀела уркӀециличил ну мяхӀкамвараба, ХӀяса дигӀяндешличил, илала узиличил, хала дудешличил (неш дудешличил ва илдала дурхӀначил) ил бархӀила декӀдешлизивад ну мяхӀкамвараба ва ил бархӀи диес дирути балагъ-къадарлизивад верцахъаба. Ва дардани Черардикан, Ва гъар секӀал Иргъан ва Далан.Нушаб Аллагъ ваибси сай. Ил цархӀил хъарихъутачивра илдас кумекбирусилчивра гӀяхӀси сай. Вайсиллизивад верцахъес ва гӀяхӀдеш барес бируси цархӀил цӀакъ агара ца ЧевяхӀси Аллагъ ахӀенси. Сунени аклахъубтазивад вегӀлара гӀяхӀси МухӀаммад ﷺ Аллагъла саламти диаб сунечи, Аллагъла гӀяхӀдешуни чедетааб илала умматличил, асхӀабуначи ва лебтачилра.

## БУСУРМАНТАЛА АРХИТЕКТУРА

## Адамти хӀяйранбирахъуси Таж-МяхӀял

Бусурмантала архитектурала историзализиб лебилра дунъялис машгъурси Таж-МяхӀяллацад хабар лебси памятник гӀур баргес мажахӀят виэс. Илала жагадешли чебаибси хӀяйранирахъули сай ва сунела хӀулба чебаибси жагадеш лерилра гӀямрулизиб хъумартес вирули ахӀен, ил чебаибти архӀяликъянабани цауркӀли ил дунъяличирти тамашала секӀултазибад гехӀѳибиллизи халбирули саби. Гъарил индияланна уркӀилис дурхъаси Джамна хӀеркӀла дублаб тӀашси цӀуба мармар къркъализибад сабитӀунси шалалира гъавалира рурхӀуси Таж-МяхӀял—алавчарти мер-мусала бекӀличибси тажла къапӀагъуна саби, алавчарти мер-мусала бухӀнаб сихӀрула хабарлизибси кӀялгӀягъуна саби.



Таж-МяхӀялла ансамбль ЧебяхӀти Моголтала императортала наслулис хъулчи кабихъибси Загъир ад-Дин Бабурличибад (1526-1530 дд.) бехӀбихъили тӀашдатурти паркани-унхърачилти кӀялгӀнала ансамбльтазибад гъарли-марси маржанван декӀарбухъун.

Агра шагъарлизиб аклахъубси мемориалла сиптакарли ветатурси император Шагъ-Жагъан сайра архитекторли калун виэсра асубирар. Пулухъали левалли ил Кашмирлизив сунела дудеш император Жагъангирлис анхъ балкъарахъули калунсири, гӀур илини Кабуллизивад гъарахъли ахӀи мерлабиубси Баги Бабур бикӀуси кӀялгӀя

лушнилиис бекӀдеш дарибсири. Багги Бабурлизив сайри султан Бабур хӀярихъибсири. Бурули бирар Шагъ-Жагъаннира ил анхӀелизиб мармар къркъала халали ахӀенси мижит тӀашбалтнлизир бутӀакъяндеш дарибтири или. Ил мижитли илала ура бихули саби. Аги-къяйда сегъунти диаллира, Таж-МяхӀял мавзолейла зурбаси ансамбльла проект балкъаахъурси ил сайри. Мавзолей 1632 ибил дусличибад бехӀбихъили 1654 ибил дусличи бикайчи манзилла ургаб тӀашбатурли балкъаахъурсири. Ил тӀашбатурсири 1631 ибил дуслизир ребкӀибси сунес лергӀер ригахъули калунси хъунул Мумтаз-МяхӀяллис—

Шалала КӀялгӀялис. Ил ребкӀибсири вецӀну авра ибил дурхӀя виркъухӀели. Нушаб тамашадисцун саби кавлуси, сунела къаркъдешличил ва ряхӀмуагардешличил декӀарулхъуси (бурни хӀясибли Шагъ-Жагъанли хӀукуматла ари сунези буцибхӀели, сунела тах буцес хъулбулхъан или, сунела лебилра узбира узбала дурхӀнира кабушахъес буйрухъбарибсири или) ил зулмукар адамла уркӀилизир сунела хъунуйчи илдицад черяхӀти хӀялана дицӀибти дигагӀ акӀубли диъниличил. Марлирагу, Мумтаз-МяхӀялла хӀурматлис тӀашбатурси мавзолей космосла къадрила памятниклизи халбарес вирар. ►► 8

СУАЛТИ ВА ЖАВАБТИ



Бучантала суалтас кIарахъала мезличил дурабулхъуси «Ас-Салам» газетала редактор ЯхIья МухIаммадовли жавабти лугули сай



ХIЯТИС

Байхъала чумиздаглайчил хIуни хIу цIализивад верцахъес вируд




– Се саби мазгъаб? Исламлизир деклар-декларти мазгъабти лерни бархъсив?

– БуссягIятла заманализир Исламлизир авал мазгъаб лер: имамти Абу ХIянифала, Шафигила, Маликла ва ГIяхIмадла. Мазгъабунала цархIилти имамтира буйбтири. Илдигунтазибад сабри Авзагий, Лайс ибну СагIд, Давуд Ззахирий, Суфьян Саврий ва цархIилти, къудратла веГ Аллагъ саби лебтачилра разили калабну. Лебилра илди чебяхIти адамти сабри, Идбагла икъалачибачи гъамти, илди чула дагъри хIясибли ва хIербируси замана хIясибли бусурмантала лебилра гIялимтани ва илкъяйдали умали (лебилра суннитунани) марбарибти саби. Илдани сарри Къуръаннизибад, хIядисуннизибад ва иджмагIлизибад (иджмагI–исламла лебилра гIялимтала шайзибадси цаси пикри саби) адамтала гIямрула лерилра шалубачил дархдасунти суалтала хIекълизирти хIукмурти дурасибти. Амма илдала мазгъаб чебетаахъили хIебелкли

(баянхIебарили) убкалунсири ва гIурла наслубачи лебилра баибси ахIенри.

Бусурман гIялимтала ва бусурман адамтала ургар имцIаливан тIинтIдиуб нушачи таманни ва гъарацIдешуни хIедиубли даибси авалра мазгъаб. Илди авалра маз-



гъабла имамтас мудтахIидуни мутлак бикIар. ЦархIилван буралли, багъудлумала бегIлара чебяхIси даража сархибти. Илдала гъуни буцили башули даршдусмала бухъяндешлизиб калун лебилра суннитунани ва ишбархIира башес даимбиубли саби. Гъарил бусурман адамличи илди мазгъабунала цализив виэс чебси саби.

Илди мазгъабунани цагъуна даражаличирти сари, цархIилван буралли, илди дархъти сари, ва гъарил бусурман адамлизиб ихтияр лебси саби илдазибад цализив виэс яра ца мазгъаблизивад цархIил мазгъаблизи шурулхъес, чIянкIли гъаланачи илала бухIнабуцличил тянишиблицун. Къуръаннис гIергъи бусурмантала кIибиб дурхъаси жузли бетауриси хIядисунала жуз цахIнабяхъибси, азирна азир (миллион) хIядис дяркъурси имам Бухари булан имам Шафигила мазгъаблизив вирусире. Мазгъаблизиб бирутири Исламла гIилмулизиб бегIлара гъалабяхI арбъакунти имамти аль-Гъазали, ан-Навави, Ибн-Хаджар, аш-ШагIрани ва цархIилти.



– Сегъунти балгни къантIдирес ва чердихес асубируси ва ил секъяйда бируси?

– АрхIяличиб къаршибикибти (сапарличибти) бусурмантас авал ракагIатла дехлибулти (хIерейсла, хIеригIергъила ва дугела) къантIдирес асубируси саби ва илдала мерличир кIел ракагIатла дехлибула дирути сари. Дехлибулти къантIдирес асубируси саби гIергъити шуртIри лерли диаллицун. Илди шуртIри сари:

1) гъуни дуги-хIерила (24 сягIятла) бухъяндешличилси яра хъурали кIел бархIили ахъес вирус (ургабил хIясибли 83 км. бухъяндешличилси, хIятта ил хIушани транспортличиб гъатIира жявли ахъес дирули диадаллира);

2) архIя дурабуркIнила мурад биэс гIягIниси саби. масала, хIуша хъулирад дурадухъи, бареси агарли, даткадихъили дьни багъандан дехлибула къантIдарес асубируси ахIен;

3) дехлибула дирес вехIирхъухIелил дехлибула къантIдарес яра чердихес ният барили биэс гIягIниси саби;

4) дехлибула къантIдарес къасбарибсилес дехлибула къантIдарес къас агарси имамлис гIергъи тIашизурли виэс гIягIниси ахIен, илгъуна анцIбукъллизир таманти дехлибула дарес чебиркур;

5) дехлибула тамандиайчи илди къантIдарес ибси ният урклилизи биэс гIягIниси саби, масала, дехлибула дируси замана тамандиайчи дехлибула дарес биалри ибси ният урклилизи бакIалли, дехлибула къантIдарес асубируси ахIен;

6) къантIдарибти дехлибула дируси замана архIяличив виэс гIягIниси сай, масала, архIя гамиличиб дурабуркIули

биалли ва архIя таманбиайчи гами дубличи бетаили биалли, къантIдарибти дехлибула дирети



Ас-Салам фото

ахIенну, таманти (авал ракагIатла) дехлибула дирути сари;

ХIуша авал бархIи ва гъатIира имцIали калес къасличил сегъунабиалра мерличи дакIили диадалли (илхIели ил мерличи детаибси ва иларад аркъуси бурхIни халдирути ахIен), илхIели ил мерличир къантIдарибти дехлибула дирес асубируси ахIен.

ЭгергъаланачибалулихIедадалли (4 бархIиличир камли яра имцIали калниличила) ил мерличир сецадхIи кавладал, гъанна гъамли нушала мурад бетарар ибси хъулли дихIули диадалли ил мерличир вецIну гехIра бархIи къантIти дехлибула дирес асубируси саби( челукъути суалти

арзес имканхIебакIили аркъули диалли илди бурхIни);

7) къантIдарибти дехлибула сегъунти анцIбукъуназир ва секъяйда дирутил балули биэс гIягIнибиркур.

Дехлибула къантIдирес шуртIри лерси архIяла замана дирути дехлибула чердихесра (гIелайзи ардухесра) асубируси саби, илхIелира савлила дехлибула халхIедарили. ХIерела дехлибула гIелайзи ардухес ва хIеригIергъи дирути дехлибайчил дарес асубируси саби, хIеригIергъи дирути дехлибула хIерейслайчил дарх диресра асубируси саби (гъалахили). БархIехъла дехлибула дугилайчил дарес датесра асубируси саби, дугила дехлибула бархIехълайчил даресра.

ХIеригIергъи дирути дехлибула хIерейслайчил дарес ва дугила бархIехълайчил дарес къасбарибхIели чебиркур гIергъити шуртIри лерли диэс:

1) хIерела дехлибула хIеригIергъитас гъалар дирути сари, бархIехъла-дугела дехлибайс.

2) цаибти дехлибула дирухIели хIушани дихлибула чердихес яра дарх дарес къасбарнила хIекълизиб ниятра бируси саби (гIягIси саби ил ният дехлибула дирес дехIдихъес гъалаб барадалли).

3) дехлибулти къяббердни хIебиахъубли гъар-гIергъили (цахIнар) дирни. Цаибти дехлибула тамандиубхIели къамат бучIуси саби ва итмадан кIиибти дехлибула дирути сари. КIедехIелра дехлиба ургаб кIел ракагIатла дехлибула дарес баари замана шалгIеббухъес гIягIниси ахIен. Илгъуна бетауриси анцIбукъллизир дехлибула чус кабизахъурси заманаличир дирути сари. ХIерела дехлибула хIеригIергъитачил яра бархIехъла дугилайчил дарес къасбарибси анцIбукъллизиб лайикъси ният лебли биэс гIягIниси саби, ил хIебиалли дехлибула уркалахъунтази халдирути сари.



– Адамли чилалра шайзибад кумек агарли ислам къабулбарес вирару?



Ас-Салам фото

– Вирар. Эгер бусурман ахIенси адамлис Ислам къабулбарес дигули виалли, сунела мягIнара иргъули, иличи сай вирхра аурли шагъадатла формула буралли баибси саби Ислам къабулбарес багъандан. ИлхIелира ил адамли уркли-урклилабад аргъес гIягIниси саби сужда бирес гIягIниси цайли цаси Аллагълисцун биъни ва Маккализив акIубси ва Мадинализив хIяриихъибси ГIябдуллагъларам Аминатларам урши МухIаммад Аллагъла Расул (вакил) виъни. Шагъадала дугъби ишкъяйда дирути сари: «**Ашгъаду аллаилагъа иллаллагъ ва ашгъаду анна МухIаммадан Расулуллагъ**».

Амма илис гъарли-марси бусурманни ветаэс багъандан Исламла хIекълизирти белгити багъуддумира дагъес чебси саби.

Ил мурад сархес халаси кумек барес вирар ислам ункъли балуси адамли, ил багъандан саби илгъуналичи дугъилзахъес маслигIятбируси, хIятта илди багъуддумачира адам сайцун вегиэсра вираллира гъарли-марли бирхауди бихъести жузализивад сайцун учIули.



## СУАЛТИ — ЖАБАБТИ

НОМЕРАА СУАЛ:

## Гямрулизир челукьути масъулти хлушани секьяйда гунчидуршулра?

\* Гямрулизир челукьутачила нуша се диклутира? Илдачила гьайдиклахелли, ахиратличил дархдасунти челукьутачила се диклес дирутира? Гьанна сабурбирес хедирахелли, гур се диклутира? Челукьути—нушала бунагьуни ицуту шин сари...

8-988...20

\* Ну гьар бархи Жумягьла мижитла мякълавад шалгевулхьусира ва ил бархи къулайли шалгевбухьахьес улгули вирус. Наб илини кумебирули саби. Аллагь мурталра дила уркилизив сай.

8-928...72

\* Гямрулизир къаршидиркути лерилра далагардешуни—гьалар дарибти бунагьуначил дархдаси дирути сари, ил багьандан нуни Аллагьла гьалар тавбадирули вирус ва Илала ряхмуличи хьарихьули вирус.

8-928...50

\* Сецадхейгеси биаллира, челукьути бархиличи бархи имцадиклули сари. Илди гунчидикахьес Аллагьла икьайчил гьулдиклулра. Илини нушачи урклеци бараб. Илклун нушала чедив сай.

8-928...54

\* Челукьути къалли даили имцара духьари лер, Аллагьличи шукруиклулра, илди гунчидушес биркниличи умут бетихьахьули ахленра.

8-928...66

\* Дила челукьути лерли диалли, нуни балга бирули вирус ва илхели дила уркиличи кункдеш алклули бирар.

8-963...57

\* Гямрулизир къаршидиркути лерилра къяндешуни—нуша хялумцни сари. Цацахелли илди гунчидушес имканхлебиклур или гьанбиркули бирар. Амма Кьудратла вегла шайзибадси

бархьдешличи вирхес чебиркур ва лерилра челукьути гунчидиркур.

8-928...29

\* Дилара диуб гямрулизир дахьал челукьути, амма, алхямдуллилагь, илди гунчидикахьес бажардирикара Кьудратла вега Аллагьла икьайчил.

8-963...20

\* Нушала гямру—хялумцла сари, нуша селичи бажардидиркулрал ахтардидарни сари... Беглара



халати къяндешуни беглара лайикьтачи сари чедуркьути. Снглун илди Аллагьлис чучи къяндеша дяхьичаъни багьандан баркалла биклули саби. Илдани балули саби къяндешуначил гьахьдешуни ляркъниличила.

8-963...59

\* «Илагьни анта макьсуди ва ризакьа матлуби» виклули вирус, беккаличила гьанбиркахьис, гур уркилиис кункдеш багьарбирар ва сабурбарес вирус.

8-988...08

\* Алхямдуллилагь, ну лерилра дяхьигути къяндешуни чекасес бажардидиркулра ва ил багьандан Аллагьлис баркалла виклулра.

8-928...26

\* Иш дуньяличирти гямрулизир паргьатдеш биес бируси ахлен ва иличи хьуликлес хяжатдеш лебси ахлен. Урки паргьатбахьес бирар гьар бархи Аллагьличил шуйна цунухьунхелли. Илхели багьес вирар лерилра къяндешуни чераркьути диъни, илди нуша чучила къакьадиклесцад мягьничерти хедидьни.

8-928...05


\* Илди далагардешуначи ва челукьутачи пикри бяхьичиас асухьебирар, сенклун илдира Аллагьла икьайчил аклулти сари.

8-928...72

## Рузнама

## МАРТ

Дни	Утренний	Восход	Обеденный	Послеобеденный	Вечерний	Ночной
1	4.47	6.28	12.00	15.06	17.40	19.05
2	4.46	6.26	12.00	15.07	17.41	19.06
4	4.43	6.20	12.00	15.09	17.44	19.09
6	4.39	6.17	12.00	15.10	17.46	19.11
8	4.36	6.15	12.00	15.12	17.49	19.13
10	4.32	6.10	12.00	15.13	17.52	19.16
12	4.29	6.08	12.00	15.15	17.54	19.18
14	4.24	6.05	12.00	15.16	17.56	19.21
16	4.21	6.02	12.00	15.18	17.59	19.24
18	4.18	5.59	12.00	15.19	18.01	19.26
20	4.15	5.56	12.00	15.21	18.03	19.29
22	4.11	5.52	12.00	15.22	18.06	19.31
24	4.07	5.48	12.00	15.22	18.08	19.33
26	4.03	5.43	12.00	15.24	18.11	19.36
28	3.59	5.41	12.00	15.25	18.13	19.38
30	3.54	5.37	12.00	15.25	18.15	19.40



## БУСУРМАНТАЛА АРХИТЕКТУРА

## Адамти хляйранбирахьуси Таж-Мяхлял

6 « Императорли пикрибарни хлясибли мавзолей-тазибад, мижитуназибад, карбан-сарайтазибад, къуллукьчибас дарибти юртаназибад цалабикибси ил зурбаси комплексла кел бутла диес гьагьнири. Илди Жамна хьеркли дутили дирутира. Келра бутла ургаб хьеркли келра дуб дархдирхьуси гумира биес гьагьнири.

Ил комплексла цаибил бутла Мумтаз-Мяхлялла мавзолейлизибад ва ил алавити юртаназибад цалабикибсири. Ил цуба мрамар къаркъализибад барибси саби ва ишбархьира адамти сунечи гьашикьбирахьули тлашли саби. Илис саби Таж-Мяхлял биклути. Проектла киибил бутла балкьаахьес Шагь-Жагьаннис къадархьеибуб. Илизиб сай Шагь-Жагьаннис тлашбатурси цудара мрамар къаркъализибад барибси мавзолейра биес гьагьнири.

Таж-Мяхлялла ансамбль хлунтена къаркъали алавуцибси авмузан къасиличи саби. Жамна хьеркли дублаб юглизибад северлизибхьил тинтбиубли саби. Югла шайчиб авмузлирти къапулизибад ацибхьели, караван-сарай саби.

Ансамбльла ургабси мерличиб Чахар-багь биклуси анхь саби, сабира къанчла къялубиван кадизурти авал бутлализибад цалабикибси. Анхьлизир адамти къунзбиклахьес дарибти аллеябира лер. Мавзолей биалли илала гьалабси бухьанбитлунси авмузан шарализиб куртбиклусиван чебиули саби.

Мавзолей халаси биъниличи хьерхьели, хьериклхьели ил биштасиван кабилзули саби. Мавзолей тлаши авмузан къасила бягьудра гьеркъадра 95 метрлича байхьайчира цугли сари. Западла шайчиб хлунтена къаркъализибад барибси мижитра леб. Востокла шайчиб биалли гьахьли хьурабирахьес тлашбатурси кьагьли саби. Илра мижитличи мешуси саби.

Мавзолейла чьабарличибад чедибси халаси къубала хьар къамаличи бикайчи ахьдеш 74 метрлича абирули саби. Халаси къубалис къарауйчи кадизуртиван сари авалра шайчирти диштлати къуббуира. Илдани мавзолей арцурсилчи мешубиркахьули саби ва лебсилчиби биштасили гьанарахьули саби. Авалра шайчирти халати ва музурбачирти диштлати арсаварти жагати някьшли делкли сари.

Мавзолей тлаши авмузан къасила авалра гьамзилар заклизидургути миммартира тлашли сари. Илди мавзолейлис къарауйчи кадизуртигунти сари. Миммартала хьараначирра лерглер жагали далкьахьурти арсавартачилти къуббаби сари. Илди дугели адалкес хьадурдарибти фонарты сари или гьанбикесли саби.

Мавзолей архитектурала бетуц хлясибли бусурмантала улкназирти мижитуначи-мавзолейтачи мешусира саби, цазаманализиб мешусира ахлен, сенклун илизир Индияла архитектураличи хаста лишантира лер. Кел культурала лишанти бурс агарли халати устадешличил дархьахьили сари ил тамашала памятниклизир ил акахьубси устали. Мавзолейла духьнар Мумтазлара Шагь-Жагьаннара хьабрира лер. Илдира лерхьлер жагали някьшдарили сари.

Таж-Мяхлял Чебяхьли Моголтала архитектурала гьантликладешла таж саби. Илини сунези кел цивилизацияла — Исламла дуньяла ва Индияла художествола пагьмурти уржахьили цаличил ца дархьахьили сари.

Татьяна Стародуб-Еникева  
«Ислам» журнализибад

**Учредитель**  
Благотворительный фонд «Путь».  
Газета печатается по согласованию и одобрению Духовного управления мусульман Дагестана

**Редакционный совет**  
Председатель редакционного совета муфтий РД  
Ахмад-хаджи АБДУЛАЕВ

заместитель муфтия РД  
Мухаммад ДАВУДОВ

**Редактор**  
Патимат ВАГИДОВА

**Канонический редактор**  
Гарун ДЖАГУМОВ

**Верстка**  
Асият ХАНОВА  
Ахмед МАГОМЕДОВ

**Набор**  
Тавсултан САИДОВ

**Менеджер**  
Мухаммад ХИРИЯСУЛАЕВ

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону).

Свидетельство о регистрации ПИ № ФС 10-6401 от 15 декабря 2006 г.

Индекс 51390

При перепечатке ссылка обязательна.

Набрано и сверстано на компьютерной базе газеты «Ас-Салам».

Заказ № \_\_\_\_\_

Сдано в печать 12 февраля 2009 г.

Тираж 3700 экз.

**Адрес редакции**  
367015, РД, г. Махачкала,  
ул. М. Ярагского, 128.  
Тел.: (8722) 61-00-64.

По вопросам подписки и доставки обращаться по телефонам:  
по Республике Дагестан — 8-988-699-28-24  
по г. Махачкала — (8722) 914-222.

E-mail: info@assalam.ru;  
www.assalam.ru